

岱

史

仙史第六冊無字號目錄

賜進士督理山東鹽課監察御史嶺南譚 耀 定

賜進士山東都轉運鹽使司運使豫章卮一驥 閱

賜進士山東都轉運鹽使司同知西浙查志隆 輯

賜進士山東右布政司翰林院學士河北張縉彥 刪補

鄉進士山東都轉運司以道臣行事登封傅應星 重刻

卷之十七登覽志

明李春芳 高拱 高儀 吳嶽

劉自強 朱衡 馬森 尹臺

楊巍

張佳胤

陳經邦

陸光祖

諸大綬

王弘誨

張位

何源

于慎行

詹仰庇

李傑

張元忭

張一桂

賈三近

胡汝桂

陸樹德

賈夢龍

屠羲英

余孟麟

徐貞明

盛唐

李戴

馮善

吳定

黃師類

譚耀

張一鯤

韓世能

高應芳

苟頴

孫孟豸

鄧棟

鄒善

顧大興

王泰

徐中行

許天贈

邵賢

楊綏

王道行

金節

朱朋求

陳慶

劉孝

劉應時

李伯春

張延庭

程拱辰

王廷卿

陶允宜

張程

姜鏡

吳同春

朱湘

張體乾

李填

彭夢祖

李學道

馮大受

劉宗岱

潘子雨

劉隅

趙邦彥

朱維京

于慎思

戴相堯

黃一桂

郭恬

袁稔

楊文禕

顧文耀

蘇眉山

阮自華

張新

陳申

光廬

周天球

余維玉

孫時

陳宣

冀相

吳相

鄭材

宋存德

吳道

盧濬

孫璋

王棟

朱覺民

朱洪濟

王化

汪坦

郭汝林

查志隆

鄒德溥

蘇澹

蘇黃

劉勅

張岐

龔勉

張懋忠

俞琳

喻均

陳萬言

呂時

白南金

徐守

從自復

周道南

姚應仕

胡希仁

李維禎

李化龍

魏允貞

張維新

李三才

郭槩

王士性

胡汝煥

詹仰庇

陳文燭

吳上贊

皇清耿

燁

張縉彥

何啓圖

戴京魯

傅應星

盧

紘

薛所蘊

朱

裴

馮

塏

吳南岱

張冲翼

張利賓

岱史第十七卷登覽志

大

嘉靖甲寅以後迄今諸名公及文人題

嘉靖甲寅以後迄今諸名公及文人題

李春芳

大學士揚州興化人

夏日登岱喜雨霰披豁煩襟度碧

空忽逢青帝駕長虹彩烟半捲乳灣霧霽色全開

龍峪風今古壯懷夕照裏乾坤生意黍苗中岱宗

自是饒皇祐時雨時暘摠化功

高拱

大學士新鄭人

登岱岱宗神嶽勢嶸崢東鎮齊封百

城雲捲洞門時欲潤日華暘谷曉偏明虞廷首

仍今古尼父崇登著姓名我欲御風凌絕頂手提

星斗運璣衡

高儀

太學士
錢塘人

登岱

諸嶽峻嶒一岱宗
天門遙遠

容御坪有路仍迴馬
石表無文悵祖龍
星斗平

玉帝觀乾坤不老
仙人峰夜闌紅日升
滄海

蓬瀛第幾重

吳嶽

尚書文
上人

登泰山

嶽峯疊嶂逼蒼穹
深谷迴巖烟

霧通掛壁寒泉飛
淵白拂雲秋樹入
霜紅
秦松

石龍鱗古漢碣沉
苔鳥篆空絕頂
振衣思太始
偶

看朝日見鴻濛
雲磴斜懸碧
磴迴松枝低拂

人穿鳥道烟巒迥路轉羊腸風聲哀地接太
清瞻斗極眼隨旭日望蓬萊曠遊一晤浮生夢好
謝糾紛卧石苔遊青帝觀洞門梵宇秋雲細青
帝離宮煙樹齊厓谷人聲飄翠壁寒空鷲影落丹
梯窮探仙跡荒壇隱深入禪林野逕迷清賞不違
幽興遠欲尋石室伴僧栖

劉自強

尚書扶溝人

登泰山

茫茫滄海半山寒天壁躋攀

步步艱頓覺風雲生足下却疑身世出人間鬢顏
看鏡驚將老廊廟懸情未許閒暫息塵蹤隨謝屐

岱史十七卷

無事

蓬瀛洞裏探仙關

朱衡

尚書章人

登岱

懸磴盤梯天路長
高空雲霧濕衣

棠金銀宮闕知隣近
鳥自嚶嚶花自香
○玉虛宮

殿元孤秀夜半探
奇獨自行
遙聞乘月度白

雲近見與沙平

馬森

尚書福建人

登岱

五嶽由來獨岱宗
層巒雜樹翠交

濃盤迴石磴天門道
縹緲烟霞日觀峰
巨鎮已標

存舜典斷碑何事數
秦封登臨不盡高山意
尼父

當年有故蹤

宿岱頂道房

碧霞宮畔小幽居
雲

外山低若太虛玉女池中泉最潔丈人峰上雪偏
疏坐看浮靄渾成幻睡覺清真更寂如夜半四空
無色界月明正好入階除

尹臺

尚書永
新人

東平道中望岳巨嶽盤東土高穹礙列

星鴻濛標地紀峻極抗天庭輯瑞虞巡肇刊山夏
載經靈仙遺跡迹巖戶莫長局○神功稽古牒七
十二君王曠矣茲山禪荒哉往代章烟迷秦時遠
雲出漢封長借問當年物言餘松柏蒼○大野圍
春氣群峰杳靄攢芙蓉開曉日秀色若可餐夜月

流金殿朝花泣壁壇雲驂誰共駕矯首一悲歎○
結髮懷幽尚名山思徧尋久傳梁甫曲還憶泰山
吟縈蔭丘中好安期海上心九州多狹徑此地可
投簪○長風吹羽腋吾欲上天門躡屣入石扉
衣玉女盆乾坤睨闔闔日月翫朝昏歸訪巢居子
深情未可論○岱宗千里色魯甸接膠齊海日扶
桑近天風若木低東皇衣任把北斗杓堪提舉手
招仙侶碧霞聽曉雞○神嶽巖巖立上方仙宮赫
赫照東皇秦松漢柏盤天地玉簡金函紀帝王一

柱擎空龍躡躅三峰倒海鳳飛揚舉頭髣髴雲霄
上裏宛春雲捧建章

楊巍

尚書海豐人

赴南都登東嶽駐馬登東嶽憑高辨四

溟始知人世小不斷此山青樓閣秋孤出川原畫
杳冥將尋孫復隱忽忘有巖程○梁父名仍在登
封事不磨逢人尋古蹟覽勝欲狂歌匹練吳門近
豐碑漢代多還能舒老眼萬里見滄波

張佳胤

尚書銅梁人

登岱張衡魯賦四愁詩東望相從及

此時翠壁千盤隨杖轉丹梯一線自天垂瑤函偶

拾神人字絳節高居玉女祠囊裏按書分五嶽真
形微被地靈窺○青空寒露滴芙蓉極類天門倚
岱宗漢草相傳司馬筆秦宮猶寄大夫松參差三
觀瘦雙目截業千巖籍短筇方內名山探欲遍晚
年始遇丈人峰○天雞聽罷曙將分劒倚峰頭接
斗文髣髴白知山下水升騰紅放海東雲烟霄身
擁三千丈封禪書傳七十君恠底衣裾常五色由
來獻氣已氤氲○日月靈從岱頂懸每依帝座挽
青烟秦碑突兀青天上仙島微茫大海前寓目好

看吳苑馬頰身郡辨汶陽田山中縱失襄城想猶
勝風塵在市廛

陳經邦

尚書蒲田人

偶憇白龍池百丈寒潭浸碧峰玉龍

於此闕靈蹤即今齊魯青無幾何日噓雲慰萬農

○登岱
寰中撤鎮此尤尊今古巖巖魯望存半嶺

晴陰分氣色雙峰日月互朝昏瑤池自昔來王母

金闕何年下帝孫聞道探齡曾有笑願將萬禩授

黃軒○縹緲天門冠萬峰攀躋彌覺翠微重山懸

碧落無孤鳥壑抱寒濤有五松春月久虛虞代狩

畫雲猶起漢時封神房阿閣深何處欲向安期一
問踪○攬勝凌高嶽勢窮乾坤俯仰一鴻濛秦州
點點晴煙外魯阜微微落照中千里黃流縈不盡
三山銀闕湧還空登臨未解宣尼意自許沂雩舞
詠同○杖策高登叩帝關振衣長嘯隘人寰眼搖
決濟三千界身在崑崙第一山桑海幾人經變換
蓬壺諸聖自飛還朱顏白髮湏臾事回首浮名好
是閒借張焦二郡倅遊石經峪未盡探幽興相
携復此行勒經誰氏手秉燭故人情夕嶂林霏合

春泉石漱鳴高山與流水恍忽聽遺聲

陸光祖

端書平人

請告東歸春日登岱拂袖請朝賦遠

遊岱宗物色動吳鉤春風花鳥朝陽洞曉日烟霞
王母樓街帳當年經帝輦明堂勝蹟想王猷探奇
吊古情何限匹練鄉關興獨悠

諸大綬

狀元山人

登泰碧霞宮上最高岑秦漢封臺草

莽深落日荒荒留返照飛雲片片過輕陰因嗟萬
世無寔計疑是秋風未悔心獨去平臺渾廓落一
聲清磬出雲林○熙熙春意萬方同憶我來瞻青

帝宮野色帶烟時變化山光無雨亦洪濤東南白
練迷天外西北紅雲入望中却惟五松留晚翠
應翻照石屏空

王弘誨

侍部海
山人

岱宗吟

我尋青帝問真源至人邀我

登天門天門高高在何許乃在咸池之陽岱宗之
趾石磴懸紆十八盤雲根磅礴九百里厥初渾沌
誰為鑿二儀中分列五嶽帝遣太皞奠此方巖巖
巨鎮峙寰廓洞天福地倚崔嵬層霄萬疊芙蓉開
黃河一帶渤海一打半夜見曉日中嶺興雲雷春

州九點蒼茫若可辨吳閭匹練指碧空而驚猜噫
吁噉泰山之高其不可極也如此使人登之飄飄
乎若御冷風而超塵埃憶昔登封七十二氏厥有
虞周其名最著秦漢以還此義微金泥玉檢紛茲
瘞只今作者知何地樹亦不能為之留碑亦不能
為之記惟有巖前倏忽變幻之白雲領略興衰千
古意悠悠往事難具陳振衣聊此朝群真遙見玉
女池前香馥郁仙人洞裏氣氤氲霓旌絳節交繽
紛云是玉青大帝碧霞元君使人對此搖精魂齋

宮祝釐祠官秩禮羸女吹蕭馮夷擊鼓靈芝來兮
錫子杜望而不見兮逍遙容與傍有青鳥使授予
黃庭經覽之殊未了倏忽還空冥躊躇勝覽意何
已鞅掌塵踪未停軌何當晞髮長茲遊回頭看謝
朗然子登岱石磴丹梯入紫宮寰中五嶽最稱
雄登封七十傳前古浩劫三丰接閭空松老上含
秦代兩桃深擬有晉人風尋幽直到蓬萊頂勝覽
乾坤興未窮○嶽頂高居上帝尊東南王氣俯中
原白雲繚繞千峰合翠石峻嶒萬壑奔宵湧金鳥

來海市暮穿瑤鶴過雲門談天未道鄒生誕九萬
扶搖信可論○人間信自有丹丘汗漫聊從此地
遊玉檢金匱空寂寞琪花瑤草自春秋射牛不用
儒生議望馬堪從聖蹟求一自大觀歸老眼尋常
指點遍齊州 詠丈人峰高標獨立向天門氣象
巖巖仰止存五嶽曾聞岱宗長諸峰應是丈人孫
詠日觀峰五夜峰前曙色浮瞳瞳先出海東頭誰
將赤手扶羲馭早向人間照九州 詠玉皇頂縹
緲丹梯入九重玉皇於此秘靈蹤尋真直上朝元

殿身在蓬萊第一峰

詠青蛇洞

青蛇拂袖氣橫

秋玄洞留題可自由莫道紅塵人少識松邊隱約

見華州

詠大夫松

二世山河已改移五枝猶冒

受封時昂藏應愧虛名污貽咲商巖四紫芝

桃花峪

流水晴懸碧澗霓桃花春似武陵潭東方

自擬隨王母縱少漁郎路不迷

張位

侍郎豫章人

捨身崖歌有序

余登捨身崖夜夢神人

謂愚民捨身可憫命余止之已告有司為禁諭矣
復作詩一首詞取近俗易曉將以救千萬年無辜

生靈也詩曰人生實難胡樂死子欲報親親念子
養老送終若無托大是不孝滅天理或有無聊祈
拔身更望蓮花佛會人富貴多憂樂是苦見身清
淨便登真萬仞身輕一鳥落骨肉為泥魂渺漠女
愧成名清風厓男非喪魄天祿閼東嶽蒼蒼德好
生誰哉作俑誣神明乘雲託世轉相誑千秋萬祀
坑愚民我今作歌勸來者神人夢授語非假泰山
鴻毛宜自思珍重此身莫輕捨 抵嶽遇雨杏藹
寒雲暗碧岑松蘿岩壑翠遠深山靈欲試登臨興

朝雨聊堅去住心

登嶽萬仞丹梯隱薜蘿層霄

仰止鬱嵯峨長松鶴唳烟雲古上洞龍藏風雨多

金馬陸沉無不可彩鸞消息竟如何氣光變幻殊

今昔徙倚流駒逝急梭

過大龍峒浮雲萬里結

秋陰飛瀑千尋度遠林每恠登臨風雨發芙蓉壺

裏作龍吟

登岱宗有述道人夙抱銅鑪志萬累

消除只愛山赤綬長物真浪迹清丘一到便開顏

秦封漢禪古碑在秋苔春花仙夢隔五嶽平生從

此始斲苓甘老白雲間

萬岱環曉晴天風一吹

淨烟霏星斗簷樓橫不礙千仞振衣空六合群峰

羅列競朝輝登日觀峰烟霧茫茫海色冥扶桑

一線破葱青重淵瑞虹禹夷宅八極春先太乙庭

瓊島浮蒼遙莫辨金輪輾碧迅難停不因高處曾

開眼甘與紅塵夢未醒過暴經石亂石岩前蹲

虎豹鳴泉澗底隱龍蛇世間多少清幽境常被紅

塵對面遮

何源侍郎江五言古風古出千盤嶺危攀萬丈梯

瞻無極上彷彿與天齊祇見蒼茫濶平臨法象低

半山雙鳥翼是處幾松枝截葉芙蓉削巔屹席豹
馳水簾龍卧穩瑤圃鶴歸遲宮闕參差迥星辰遠
近垂白雲隨地起紫氣夕陽迷複道天門險層崖
鉄石歌未秋涼薦爽不夜月流輝身世遊無際山
川應有知高堅師魯道壁立仰鄒儀虞祀先從岱
秦封漫有碑登臨多感慨吾自振吾衣

登日觀

峰觀海凌寒恣登眺迎曙坐岩堯霞彩絢以爛陽
精紅欲燒扶桑輪乍轉天際海初潮不定金波沸
還看鏡影搖萬方將起滇此處已先照未許羲和

叔徒憐孝父勞周天行度疾當午大明朝况屬陽
方長忻逢泰始交微臣何以祝海日效萬莖

于慎行

侍御東阿人

登岱經古名山莫大東每從雲漢望

穹崇千峰明滅天高下萬壑晴陰氣鬱蔥星土壘
回元化轉仙閭繚繞百神通真遊五岳還應徧首
躡煙蘿上碧空○玉闕朱樓萬仞端六龍輦道倚
噴吭懸厓翠磴雲中轉疊嶂紅泉樹杪看海色曠
瞳三觀曉秋聲蕭瑟五松寒天門咫尺君應見比
似人問路更難○忽出塵寰賦壯遊試從九點辨

神州浮雲直上千峰色落日長懸萬里秋紫塞東
臨滄海斷黃河北滾大荒流秦封漢禪成土留
與人間不盡愁○倚杖高臨萬玉峰氣動陸海激
芙蓉寒聲半落天中雨暝色低催澗底鍾金檢誰
探秦帝策白雲猶起漢時封君看十二侯王地能
出神宮第幾重○絕頂秋高上帝宮茫茫一氣俯
寰中地盤河濟三州盡天入秦吳萬里空玉闕光
連星斗上丹峰影落海門東亦知真宰多相藉許
倚烟霄兩劍雄○萬仞巖壇冷夕曛十過三十六

天分仙人洞府懸雙闕玉女神房切五雲遊客自
成梁父嘆詞臣不草茂陵文東皇舊握群生紀海
國河山翊聖君○三峰東望亦雄哉海色遙看萬
里開三島春波涵日月五城仙氣吐樓臺酒邊影
吸金銀動杖底雲飛紫翠來烟水茫茫徐福去至
今不見報書迴○上宮夜色冷漫漫月轉層霄十
二欄大地河山銀作海中天樓閣玉為壇虛無靈
境蕭聲斷縹緲秋光鍊影寒仙掌芙蓉看欲近轉
從北斗識長安○

日觀峰歌

岱岳峰頭一片石天

先杳杳遙空碧我來夜掃石上雲未明看見海中
日日出海東幾千里茫茫不辨雲與水天鷄鳴煙
海上啼東方霞氣半邊紫忽然欽艷玻璃翻一泓
捧出赤玉盤長繩斜挽不得上半時方到扶桑嶺
扶桑枝葉成五色海水明滅一線白日東雲氣如
連山目中欲識鮫人國平明日高海水乾滿天金
葩紅氣團三山金闕流安在六鰲背骨秋霜寒憶
昔秦帝東封年欲浮海水遊靈仙驅石作橋不可
渡金支翠羽空西旋幾時得見海中出日三千丈

脫屣妻子如浮烟眼前未生信豪士側帽大呌石
上眠我亦欲取巨石填東海揮戈且止羲和鞭六
龍不停日如矢仰天嗚嗚酒熱耳○曝經石朝下
天門關夕憇曝經石此石自何年斜倚萬仞壁疊
嶂灑飛流匹練十餘尺水底玉篆分了然成鳥跡
其文乃上古讀之茫不識誰叅雪竇禪未示金仙
迹淥池低竇樹宛見祥河出兀坐聽潮音洗耳心
方寂

詹仰庇

少卿安
溪人

夏月同寮友登岱攜手薰風跨紫雲

丈人峰上振雲翰
煙消日觀千山曉
人在天門六月寒
封禪臺高閑不掃
磨厓碑古蝕誰看
獨憐尼父遺踪在
手摘芳茗薦杏壇
○兩霽會飲挾仙宮
凌霄披翠八窓開
冠蓋疑從天上來
座遠山光搖劍戟
兩餘霽色動樓臺
還將石溜調歌管
更摘峰霞入酒杯
壯觀生平今更幾
坐升海日共徘徊

李傑翰林學士

九日登泰山過遊普照寺有懷半林

殘日映崔嵬
上有孫公舊講臺

孫明復先生存竹日講學於此

帛銷沉書院廢
鼓鍾鏗豁梵宮開
酒傾秋露浮盃

滿曲送春聲入座來清景留人歸路晚碧雲紅葉
擁山隈

張元忬

狀元山陰人

觀日

星河耿耿霽高秋日觀峰頭送

遠眸曙色未分青嶂出海雲初動赤光浮俄看明
鏡離三島即擬紅輪遍九州疇昔登臨餘悵望奇
觀不負此來遊

重登泰山

三年兩度遊東嶽此

度來遊景愈奇序屬清秋消瘴霧人於絕頂指華
夷扶桑日上雞初唱絳闕風高鳥不居俯仰混茫
渾一笑只今悟却未分時

張一桂

翰林諭德
祥符人

登泰山五嶽今登第一區齊心先

為禮肩吾書從漢世傳司馬松自秦時作大夫疊
嶂峻嶒分日月片雲咫尺蔽蓬壺行行莫訝停車
立問有山陰泣婦無○岱嶽稱雄昔所聞振衣萬
仞若為群浮塵迥隔三千界故老猶傳七十君地
軸東來連繹繹天門南眺失云云秦松漢時皆陳
迹幾處蒼峰鎖暮曛○翠壁丹崖不厭遊炎蒸伏
暑即清秋援琴且為歌三樂對酒無勞賦四愁冉
冉雲侵衣袂濕瞳瞳日射海天流吾皇久却東

封事年少相如自白

縹緲烟霞滿逕中冷然

鍾磬度瑤空東皇自宰青陽地玉女高居絳節宮
苔翳斷碑餘鳥跡身依元氣破洪濛逍遙賸有蒙
莊興何事乘虛一御風

賈三近

都御史
嶧陽人

冬日登嶽游目高寒處群山擁岱宗

登封迷漢草閼歷有秦松萬壑烟嵐合諸天紫翠
重肩輿明月下上界已聞鍾

胡汝桂

少卿金
鄉人

石表歌天門崔巍雲縹緲翠巘疊峰爭

玄巧千崖萬壑駭人目竟日看山山未了夜半舉

手摩星辰高歌日觀者日曉山巔獨有一柱石渾
渾潔素揮天表藏鋒斂鐔若太拙震摧風雷不傾
倒傍人妄說秦時碑孰視空空益宵宵到此胸中
一字無翻見磨剋盡潦草至人從來貌若愚安得
繁藻一清掃今古登臨多少人信惟孔子天下小
太乙留此洩玄機拄杖乾坤永不老

途中夢雪

紀之白雪來玄貺靈恩不用猜知天分玉液為我
洗塵埃徑滑瑤添砌嶽尊瓊作臺春雷忽變化霖
雨潤蒼苔

登山喜雪靈山瑞雪鬱盤旋送我瑤

池發洞天上宇光溼紫霧合瓊樓色迥太清連空
傳閭苑十洲界不羨崑崙萬里仙虛白乾坤成造
化春融齊魯慶豐年
大夫松懸崖絕頂見孤蹤
直榦凌霄翠影重千古清風宗岱嶽獨憐一旦受
秦封
宿山漫題石磴峻嶒半接天巍巍廟拜碧
霞仙白虹樹嶽晴飛雨紫氣籠峰曉帶烟拄崑
崙日月下槎臨滄海斗牛邊清霄絕頂閑來徃夜
半鴻濛象帝先

陸樹德

都御史
松江人

泰山偶作一咲俯諸山來疑縹緲間

雲霞早吐布霄漢近躋攀滄海杯堪酌黃河帶與
環登高慚未賦空自豹窺班

賈憂龍

光祿卿
嶧陽人

日觀峰觀日出日觀峰頭立明霞散

綺紅千山冰雪界萬國水雲中倒影烏翻海升霄
珠麗空肩與催客起賴有上方鍾

屠羲英

太常卿
宛陵人

登泰山鄒魯相承幾百年泰山滄海

自依然登臨誰是真男子一脉於今論後先○五
十餘年塵土夢為誰馳逐為誰還醒來太華觀滄
海獨抱丹輪宇宙間

余孟麟

榜眼人

登岱

海氣高寒嶽色寒天門西望接

長安瑤梯盡向烟中掛靈巖堪從石上食誰道傳
聲非漢時尚餘封樹是秦官凌風欲跨蒼龍去花
落星壇露未乾○六傳飛揚十二城采風兼作采
真行當簪日月窺瓊籙入夜琅璈禮玉清虎澗亂
泉為雨瀉鯨樓怪石作鍾鳴登封壇古神君在慣
有吹笙待鶴迎○名山漫憶昔年逢此日遙憐驄
馬從飛蓋影搖紅海日題詩字襍白雲封懸知雅
意尋經石別有深情寄勑松咫尺相聞不相接憑

軒時一望高峰

徐貞明

尚寶少卿
江西人

登嶽塵迹年來倦自羈脫身幽討

意全怡騰光父老樓空谷乘鹿真人翳紫芝稍覓
微蹤知漢時都無一字是秦碑中宵浴日慳今賞
萬里同雲總是奇秦松歷劫遺踪半已蕪青松
何自尚堪娛疎枝斜映千巖遠秀色高懸萬壑孤
已向天門雄特立亦從御帳俯前驅歲寒不改貞
心在世上海名說大夫

盛唐

御史嘉禾人

登泰山歸途遇雪紀詠峻極巍巍仰岱

宗翠華浮繞絕塵蹤眼前近覺乾坤窄海外遙觀
日月通雲鎖水簾龍噴沫雪封御帳馬迴駿觀風
便了登臨興願祝山靈永鎮功

李戴

山東巡撫都御史廩延人

初至遇旱躬赴泰山祈禱憂民無

計意懸懸為叩山靈陟嶽巔風送雷聲搖棟宇雲
蒸雨色滿山川紛紛萬壑垂飛練隱隱千峰鎖翠
烟安得甘霖徧九有農家到處慶豐年

登月觀

峰日高萬里迥無塵猶借滄溟日日新
把丹心常浴洗通天徹地一紅輪
題獨立大夫周朝喬

木幾遭逢御帳從來羨五松惟有道傍獨立者挺
然端為避秦封

觀曝經石山崖誰闢晒經臺字

跡分明一鏡開天挂水簾若有意時時飛洒洗塵

埃石北有水簾洞

玩聽泉枕誰人題作聽泉枕

我道還為說法臺

因前有石經

上古老僧骨已朽

空留陳跡任相猜

觀萬公題壁壁立石屏向日

明小亭危坐午風清彈琴人去知何日尚有高山

流水聲

馮善

御史汝寧人

登泰岩堯泰嶽日華邊長夏登臨瑞色

鮮萬里寒濤來瀚海千岩清韻落飛泉不沾白石
青雲繞劍掛蒼松彩霧聯豈謂蓬萊無可到此身
棲處覺參天○泰山山勢鬱巔巔絕頂新晴向晚
看北闕回瞻雲靄靄中原遙望路漫漫金壇日映
千崖曙石室風生五月寒攀壁憑虛無盡處峰頭
倒掛夕陽殘

吳定

律史郭
下人

觀風祭岱

颯颯秋風動封臺振履聲入

山蒼亂點天水遠同明丹日當窓捧白雲望眼生
石書讀不盡千古一含情

黃師顏

御史人

遊黃花洞

逕入黃華薜荔深杖屨間關

此共臨千嶂雨餘增黛色萬松風度足絃音烟浮
絳節晝偏靜雲護玄蓬晴亦陰涼薄那堪載銀管
輶軒鳥語似催吟

譚耀

御史嶺南人

玉皇頂

未借扶搖翅何緣入碧空披裘

寒六月倚劍落長虹瓊宇看彌近金泥枉自工壺
山如可訪便欲駕天風

日觀峰

共道峰奇絕陽

烏子夜看迴翔翻玉樹蕩漾浴金盤響類秦驅石
先搖漢禪壇焚心殊未盡時待揭塵寰

丈人峰

屹立中峰後層巒逶迤獨尊摩娑忘歲月偃仰自乾
坤鷄斃連雲拂蘿裳帶月捫金剛消歇盡此老至
今存 王李二憲副邀飲挾僊宮躋屨憑虛處開
尊對晚風天門飛鳥近滄海酒懷工烟雨一簾外
雲霞萬態中遊仙各解意莫惜再扶筇

張一鯤

御史

登泰山泰嶽諸峰意戴縶只今攀躋暨

危毛麓連燕薊雲根遠影入虛空玉柱高下視無
倫同孔覽東升有紀重虞夏大觀不枉人間世纔
到層巒氣已豪 日觀峰岱宗峻極見東瀛漏滴

纔拂日已生烏影遠隨雲影盪水光時與日光平
霞成五色滄溟曉浪湧千尋伏惟驚考父若還知
下問為言欲逐可騎鯨

韓世能

特命
英人

登岱岱巖高竊碧漢頭千盤歷盡勝全

收天臨觀柱層雲上海湧噴輪萬象浮秦越睚眦
今宇宙雲亭封禪古春秋吳門匹練金莖掌忽漫

迴翔倚玉虬

高應芳

御史江
西人

登嶽巖巖泰嶽奇空蒼此日登臨隘

八荒雲蓋亭亭飛下界曙光閃閃射東洋承乾順

德亘千古出震祗靈育萬方尺土東封陋秦漢柴
燔重喜噉虞唐○宣尼登眺是何年絕壁遺踪望
儼然縱目迫觀天下小凝神欲到太初前二儀清
濁乾坤定三極光明日月懸氣象巖巖誰得似祥
雲重覆嶧山巔

荀穎

御史四
川人

登岱

客路逢名嶽登臨是履端晝晴寰

宇小夜永斗牛寒苔護碑銘字雲橫封禪壇應憐
奇絕處可得幾迴看

孫孟芳

御史昌
邑人

登泰幾年懷泰岱此日始停駘古樹

高凌漢可峰直挿空徘徊尋孔跡指點笑秦封獨
上絕頂上乾坤一覽中

鄧株

登岱東嶽巖巖勢挿天初登便覺歷雲烟

芙蓉渺削樓臺聳琬琰蒼茫霧靄妍七磴似經黃
帝輦五松猶憶始皇年何須直上天門路只此塵
心已爽然

鄧善

提學安福人

登泰山遙望泰山岑翠嶺未易陟高高

入雲中雲路安可極觸暑奮必登振衣起蓐食寧
不念崎嶇懷此久且亟石徑隱翠微窈窕通復塞

虬松幾何年蒼蒼太古色
須臾步天門徘徊日觀
側豈繫盡青徐悠然隘九域
瀾瀾洞雲平俯瞰若
憑軾頻語魯諸生萬仞在自力

秋日登泰山參

差石磴鬱岩峩笙鶴雲中坐
見招飛瀑浸衣疑帶
兩攢峰聳翠欲凌霄漢壇
秦樹今榛棘御帳明堂
久寂寥馭氣乘風還有待
清遊原自勝逍遙

又

日觀峰振衣絕頂趁秋清
日觀峰頭待曉晴曙色
未分千嶂合陽光忽動萬方明
之杲東接秦碑舊
伊落南臨漢時平
試問岩頭觀化侶幾能此地小

蓬瀛

觀大典

江副使吳

登岱

峯堯宗嶽俯名區萬壑千崖鳥

道紆禹甸河山歸指顧天門宮殿接虛無書傳漢

時兩司馬樹列秦松五大夫呼吸直疑通帝座翻

翩鶴駕入雲孤○高盤噫隱欲凌空躡磴攀蘿興

未窮翠巖御坪烟不散寒留仙掌雪初融齊封九

點誰能辨嶽峙中原此最雄四月登臨猶挾纈霜

威偏傍使君馳○層巒擁黛繞芙蓉枝振蓬玄第

一峰曙色漸開滄海日靈文○護白雲封青童玉

女無由見瑤草琪花可易逢蚤晚向平婚嫁畢烟
霞重問舊遊蹤○憑高何處斷人腸匹練吳門是
故鄉倏忽烟嵐窮變幻浮沉身世托微茫翻擬碧
落聞鈞奏更向璇臺禮玉皇安得雲陰起膚寸崇
朝霖雨遍郊荒

王俸

副使嘉禾人

步顧衡宇觀察韻翠壁巍巍奠巨區為

尋名勝路偏紆天開複道旋還合澗落珠光有乍
無石上振衣偕羽客林間看奕侶樵夫却疑子晉
前身是猶記吹簫夜月孤○巖巖高峙接晴空竟

日攀懸路不窮雲散紫霄山色艷潮生碧海日光
融仰看漸覺天根近俯瞰偏驚地勢雄自有蒼松
橫間道何妨遊客繫歸驄○長空擎翠像芙蓉故
設靈旂護太峰絕頂三更晴霽射半腰斜日白雲
封悵懔六合天應近縹緲群真路欲逢四顧山河
作帶礪且乘玄鶴躡仙蹤○岩崑曲曲似羊腸直
上天門望帝鄉百道鶯花添色相五雲烟樹覺微
茫仰空只見峰頭月吊古猶悲異代皇極目瘡痍
無限意願施法雨濟窮荒

陪譚侍御登頂步

顏名山萃律鎮寰區萬丈摩崖紫翠紆奇島遠瞻
僊侶在清泉靜聽俗囂無吹簫漫憶秦嬴女劇賦
空嗟莽大夫何幸再登消伏暑松深鶴唳月明孤
○泰岱巍峩半挿空憑虛登眺興何窮天門萬仞
晴光靄日觀三更曙色融花底鳥啼流澗碧松陰
龍卧劈峰旌層巒疊嶺看無盡懶向與人問去騷
○攀躋石磴轉從容不數巫山十二峰萬壑烟深
迷漢時五松雲散見秦封翻身世界看應小翹首
大妃始幸逢古洞陰陰春寂寂白雲深處盡仙蹤

○蕭森六月冷襟腸繚繞山河輦帝鄉雲歛碧空
光浩蕩波澄滄海夜微茫仙丘何必尋三島身世
飄然入上皇法從叨陪心賞足更逢甘澤起遐荒

徐中行

布政吳興人

登岱

浩蕩天門日月開削成丹壁擁

崔嵬河宗泰嶽翻西遶山拱神京自北迴黯淡春
陰收碣石霏微佳氣接蓬萊更聞玉女三漿在願
上君王萬壽杯○東嶽崢嶸迥不群中峰瑞靄更
氤氲天門雪盡河流合日觀春晴海色分風起秦
松常似雨氣蒸漢檢欲成雲千秋霸跡終銷歇

說相如封禪文

許天贈

宋改古
縣人

題無字碑巨石來經十八盤離宮複

道滿千山不因封禪窮民力漢祖緣何更入關

邵賢

提學宜
興人

遊普照寺招提隱隱倚崔嵬紺宇周環

般若臺斜日短筇山徑曲石橋流水寺門開浮屠

證果真成幻儒道淵源有自來千載清風仰孫石

獨遺堂址向巖隈

楊綵

都御史
順天人

登泰山絕頂振衣獨步泰山頭萬古襟懷

一豁眸玉女池前雲不斷白鶴洞下雨初收羽書

西北邊聲急飛輓東南民力愁莫說當年封禪事
蒼生誤盡至今尤

王道行

我寮使太原人

登岱

徙倚宗封最上頭蕭條萬里見高

秋升中玉宇先群望眼底毫芒視九州秀結靈區
神鬼宅光搖曉日海天浮憶從尼父登臨後誰與
山川續勝遊

金節

郎中南海人

日觀峰

海上扶桑湧日來人從岱嶽一

登臺金輪光射天門曉玉女虛凌碧洞開雲掩笑
落迷漢柯碑餘石室長秦苔吾曹自抱傾葵志通

向峰頭漫貯昧

望秦碑刻石當年表岱宗千秋

誰謂始皇功阿房築就閭閻竭封禪書成杼軸空
惟見此碑懸玉洞何從滄海覓玄蓬登臨莫是閑
遊詠今古興亡感慨中

登泰嶽何來天半挿芙

蓉峻極千年表岱宗卷幔山腰碧洞渺振衣岡上
白雲封秦碑漫漶空遺跡漢疇高誇亦自雄我向
宣尼勤仰止凌摩直擬祝融峰

仙人橋長虹一

線隔凡埃曾是憑虛羽化來王子峰頭雲欲盡僊
人駕上日初迴碧霞洞裏聞笙鶴玉檢碑前問島

策便欲逃名探真訣風塵猶逐萬緣催

朱明求

主事上
虞人

登岱有感勝遊正屬朱明候嶺上還

飄白雪奇擬入廣寒看世界恍浮銀漢俯馮夷王
堂原待三元客瑤島多應五嶽居我欲均調回象
宇冰山一笑可移時

陳慶

本常
吉水人

登泰山夙昔高山仰今為岱嶽遊星分

齊魯界地鎮滄溟流三月仙華曉九天玉笋留迴
看躋立處直在泰峰頭

劉孝

本
人

登岱

十月高風吹綵旂王喬要我步天閭

雲開龍口澄三界星列橋頭矚九原苔石空亟方
外字岩松猶帶御前恩人生若欲凌空郭自古軒
皇有至論 大天松老幹磴邊盤曾御鳳闕官經
霜千載秀凌露百朝看森聳材堪棟扶踈影更寒
旁觀衣紫客歷歷并芳難 巖巖亭千仞排峽嶠
坐疑鳥雀愁蒼茫橫古道縹緲接飛樓月霽風塵
夕猿青草樹秋明時苛政絕行坐仰尼丘 秦時
梁父東巡地青鸞翊翠華露盤索蔓草丹竈委涎
蝸曉日追風騎秋空沉海槎深幽詢往迹石表半

沉沙

磨崖碑

磨崖高百尺功德此剏銘典誥文

全古莓苔字半青可能光日月應不畏雷霆一代

中興頌悠悠付巨靈

劉應時

副使洪洞人

題飛雲閣

岱宗晴望鬱嵯峨曉日籃

輿陟薜蘿誰鑿紅門通碧落倒聽青石瀉銀河路

當迴馬添愁怯天入疏龍轉笑歌欲向神霄禮仁

聖試尋飛閣暫蹉跎

題

日觀峰日觀峰頭觀日

出五更三點發媽紅人開未覺窓天曙嶺上遙連

海氣通雲霧變遷明乍滅水光蕩漾色還空須臾

萬象皆春色獨立長歌酣遠風
題太平頂絕頂

風光迫不群捫蘿飛度萬重雲
乾坤俯仰胸襟潤
岩壑陰晴氣象分
滄海一杯搖演漾青齊九點落
繽紛更憐遲日江山麗長向清時扶聖君
題南

天門齋戒含香叩帝閭仙風吹我上天門
岩間星

斗看欲墜地底雷霆時一奔杖屨帶過青鳥影
衣裳侵入綠雲屯即看紫氣臨閭闔金殿當頭捧至

尊
題御帳坪迢遞行來御帳坪春風吹醒大夫

松秦家封爵成何事宋代遊畋總是空
老樹自堅

千歲節青山不改萬年容偶來福地尋幽事玉籙
金書不再逢

題無字碑

誰扶碣石表雲霓道是

秦王封禪碑本是忘言存古跡翻嫌無字到今疑
接天雨露苔常濕近日璣衡影不移七十二君俱
泯滅浪傳寶藏使人悲

題仙人橋

夾石雙懸萬

仞淵千鈞一髮引青天見愁弱水無舟渡道是崑
崙有棧連輕舉擬將鳬作鳥高飛思與鶴聯翩還
須直造金銀闕秘授軒轅太史篇

題玉女泉

茫何處問三漿乞得東林石隨嘗吸露可能清俗

骨珍霞原足飽詩腸屹仙岩上卿雲爛揚老園邊
藥種長靈貺果然膚寸合願為霖雨遍要荒

題

水簾洞

天紳岩下靈源遠萃美亭前玉液長素練

界開青帝座珠簾散掛白雲鄉泠泠似奏孤桐曲
凜凜還飛六月霜撫景頓教清興發臨流幾泛紫

霞觴

題王母池

西母誰迎到此巔軒皇親遣碧

霞仙掬來星宿湖中水瀉作蓬玄洞口泉白鶴尚
棲梳洗側飛鸞自舞玉環前平生賸有雲霄意便
欲乘槎上九天

題高老橋

高老橋頭且駐驂青

藜閒掛白雲，蒼平生能著屐。幾兩險路方知快活。
三日午星虹懸閣道，雪殘煙樹點晴嵐。祇林喜遇
真僧，迓茗葉松花伴咲談。

題十八盤登登直上

三千丈曲曲重迴十八盤，陰磴雪凝那免滑石門。
風急太生寒，舉前曳踵應防面。附翼攀鱗可掛冠。
一曉首尚留黃現側，奮身已在白雲端。

題磨崖碑

三山石峻層詎可磨，當年極力欲如何。金泥盡付莓
苔落玉檢，還虧斷磬多。漢禪秦封沾草露，唐文晉
字逝川波。我來登覽尋遺跡，獨步巔崖感慨歌。

題捨身崖臨深必戰詩垂鑒知險能危易有銘何
故輒投千仞壁自看不及一毛輕身亡親病終何
補骨碎魂冤誰與明傳與痴兒應念此舍生還負
害仁名題丈人峰丈人石上望群仙吳越周秦
指顧間過去青牛追不及飛來白鶴杳難攀東皇
細削芙蓉闕玉女深居虎豹關咫尺蓬萊天路隔
尋仙不遇只空還題小龍口萬壑千岩赴一門
蟠龍噴沫此騰奔搖空瀑布疑拖練帶雨驚波似
覆盆玉竇雲深迷月窟仙岩雷動撼天根坐來忽

覺魂飛越日暮歸期不敢論

題傲來山獨秀西

南數傲來天門洞宇鎮蒿萊竹林曲抱青峰出月
嶂高懸碧澗開石壁峪中雲散去仙人掌上鶴飛
迴登臨不盡平生興對景慚無作賦才

李伯春

知府松
江人

題秦大夫松丞相無端憶黃犬坐令

四皓擅清風先生千古雲霄意未必秦庭肯受封

張延庭

知府
濱州人

秋日登秦嶽過水簾洞丹楓霜點一天

秋百里登臨魂遠遊泉掛簾擁雙澗響雲磨蒼翠
半山浮凌虛擬有神仙侶飛壑猶看道路修過化

已經千古跡餘師在我定歸求

宿絕頂山房前

韻風動簷聲鍊馬秋探哥肯憐此遨遊驚心丹壑
諸天迥回首白雲萬里浮倚險斷碑文已滅近人
新月斧堪修平生未解懷山夢試叩天關許一求
過天門飛步天門道翛然羽翰生雲牙低岫出嵐
黛遠山橫聖仰先登跡松留獨立名達觀應不負
千古一含情

石

主事蒲
石人

王女歌英英白雲端神女駕紫鸞素

女淨峪天池水扶桑日閃玉容丹朝餐明霞暮吸

芙蓉製服電為冠我聞黃帝女修真生羽翰載
何漢玉葉石屋煉金丸西向瑤池禮王母鳴璫雜
聲珊珊白日飛挾曹仙去空留丹竈鎮蒼巒黃
心洞真人跡女指纖纖印苔石更有一片兩花
十年指作蒲團席銀燈懸斗傍燦若七星奕燿
烟岩廊裊裊吐霧碧天花不捲水珠簾甘泉迸
出白玉液乍聞萬壑松籟鳴疑是經聲喧喑喑曾
頌李白句飄飄下九垓載聞宋真主東來紫觀開
寶磬聲落天空外玉簫吹集鳳凰臺卿雲絢爛扶

輿下朱幡五采駕上來巍巍岱宗真峻極赫赫元
君何神哉維山有神增靈異寰區千古仰崔嵬稅
也平生懷仰止今日東山著屐齒十八危盤石參
差萬丈雲梯空中視乘風上天門振衣躡星紀僊
樂雲中迎身如霄漢裡金蓮頂上紫氣騰稽首風
前薦香芷素手授我硃砂杯須臾餌以白石髓揖
予更上日觀峰天鷄初唱朱曦起西望崑崙雪花
明玉池直接天河水夜夢石函玉虛篇傍有羽衣
親點指從此覓却紫芝依碧霞人世浮名一掃如

風靡

王廷卿

主事荆門人

登泰山幾年夢想岱宗遊今喜登臨

最上頭雲淨日從霞外出峰高人在碧空浮仙巖
列嶂青無了簾水飛崖翠欲流四望豈誠天下小
祇緣古阜有尼丘○寄憇來魏巘嘹唳過鴈風十
年丘壑趣一笑俗緣空洞口留雲宿溪流與月通
石床眠自穩魂夢覺秋蛩

陶允宜

行人會稽人

泰山絕頂泰岱峰高極玉皇秦碑漢

碣兩蒼蒼空中鷄犬通真境海底魚龍送太陽雲

氣低封千嶂色兩花平散一天香
登臨至此無堪老五嶽三山事未強
○天門百轉石崎嶇絕頂先登氣乍舒
日月腰懸雙寶鏡星霞掌布一盤珠
東西指顧分秦越咫尺光華入帝都
何必金泥開玉檢仙人冲舉亦金虛
碧霞元君諾天何地聚群靈
泰嶽山高即上清聞說死生齊
夢幻恠來賞罰太分明
空中擁護金先相夜半傳呼絳節聲
自是神人同愛國歲輸百萬佐昇平
○明有監司暗有神人天禍福兩相因
若為終古乾坤宰翻屬當時

婦女身嚴比普陀栖大士殿同南嶽拱夫人朝朝
多少冠裳著仰止高山抱下塵

張程

主事安福人

明堂

天王出狩時玉帛萬邦隨紫望遵虞

制恩威協禹規齊君能罷毀季旅竟奚為千載存
遺址青陽在指麾

姜鏡

行人會稽人

碧霞宮紀勝

誰開梵宇碧雲岑雲去雲

來山半陰石溜暗穿瓊玉砌天花時散蓋珠林隨
緣好釋區中念選勝真同物外尋最是燕臺看咫尺霞光遙映帝城金
水簾洞賦懷探竒入暮倦

言歸改席怡泉坐翠微白水遙從千嶠轉青天化作
五龍飛高懸書壁常飄練倒捲巖風或濺衣何用別
尋蓬島去源頭活處即吾機

吳同春

即中周始人

過桃花峪桃樹千重帶水涯靈巖百折

傍山斜秋高瑤圃日為實雨過天門浪作花方朔頗
須貽漢主漁郎何處覓仙家我來不及春風晚杖屨
翩翩度彩霞癸未冬登岱岳東皇樓閣自天開絳節
高懸白玉臺兩向仙人峰外過雲從玉女峽邊來孤
標捧日三千丈閣道凌空十八回靈輿已看人世隔

赤城何處訪蓬萊○蓬萊絕頂瞰洪濛五岳名推岱
岳雄下嶺鶴飛青帝觀天門人叩紫微宮星連闔闢
三元合海抱乾坤四望空何事鷄鳴從疊嶂扶桑枝
上日初紅○八荒迢遞望中收片石低看晝夜浮漢
時金章秋色冷秦松御帳兩聲愁星纏半繞雲巖出
海水平懸日觀流仙骨莫憐丹竈遠乘風直欲度滄
洲○仙問靈府近如何絕壁捫蘿試一過不信海濱
拖白練忽驚杖底墮黃河雲飛玉井香風細花冷瑤
壇露氣多誰向青華傳秘訣古今天地揔悲歌遊暴

經峪覓勝尋幽曲徑通肩輿面面受天風深岩貝葉
經霜白絕壁曇花映日紅百道泉聲飛樹杪千尋翠
色落雲中援琴欲鼓高山調不見鍾期興轉窮

朱湘

郎中金華人

登泰山攀雲躡磴扣天關絕頂摩空星

可捫俯視千山叅法從早看八極隘乾坤龍紋虎
阜封苔蘚漢柏秦松長子孫今古登臨誰是主斷
碑荒碣自黃昏

張體乾

郎中真定人

泰山巔紀遊地天交處此山分幕寫

高明愧不文王檢金泥成感慨嵐光嶂氣自綢繆

攀崖便欲觀紅日躡磴行看入白雲迂我邀仙探
聖跡豈期千仞會同群

李填

副使解州人

登泰山小視塵寰共步虛一亭高敞岱

宗初遙擎紫極扶桑外近擁丹霞太液餘兩歇還
生神府潤天低常傍歲星居登臨盡借山靈力興
滿乾坤任卷舒○泰山萬丈插層空驄馬馮虛欲
御風日觀依稀朝絳節雲林彷彿接瑤宮須臾上
帝甘霖沛次第西臺玉趾中往事空垂封禪史新
遵應自古今雄

彭夢祖

即中淮南人

登泰山

星幢寶纛鎖烟空
縹緲飛梯

萬轉通天澗
練光為白馬峰
高嵐氣作蒼龍
銀河
欲送仙人掌
丹竈猶藏玉女宮
聖代不求封禪
草相如詞賦
咲徒工
○空濛紺殿俯長天
萬里中原亦渺然
日出東山翻入濟
夜涼北斗欲沉燕
松陰猶落秦時雨
玉筴長封漢帝年
好借西風為羽翰
徧收五嶽杖頭懸
○巨靈千古勢嵯峨
萬點神燈晃
薜蘿曠野秋陰連
瓠子虛岩爽氣落
黃河三
更日抱天門起
百疊泉飛下界多
七十二若無覓

處依稀旌蓋霧中過○岱嶽盤亘大海東珠光怪
底搖天紅雲烟常護碧霞頂龍虎欲眠青帝宮繞
足星斗太歷歷盪衣香氣何濛濛有無仙人隔弱
水泥乃西池杳靄中

李學道

知府浙東人

謁玄宮

一上壺天景最嘉崖生芝草

石生花雲開玉殿瞻青帝香繞珠宮擁碧霞眼底
風塵俱罔象寰中七月白仙家我亦欲把玄機叩

靜對蒼穹思轉遐

李任守令任御史以節氣著名當其守青州南拜命之

山之神遣官迎之授以職街其後竟死青州異哉

馮大受

舉人松江人

登岱二首木帝青陽闕仙人白玉壇

徘徊空八極睥睨跳躩九澹靄迷秦望層嵐生晝

寒同游多謝眺秀色總堪餐○直上中峰頂方知

泰岱尊崗巒關地軸星斗挂天門孤嶂秦皇碣深

池玉女盆仙人雲外度白鶴自翩翩 泰山絕巔

逢鍾明府曙色朦朧帝女壇雄風吹客布袍寒五

雲忽覩雙鳬下千里同將疋馬看白石青芝隨地

采高山流水向誰彈封中紫氣常來徃賈勇先登

足大觀 曝經臺路轉峰迴別有天平鋪石鏡落

霞前芙蓉插翠層
崖峙薜荔飛寒瀑布懸
拂座雲生科斗字
吹簫風度鳳皇僊
恍然吾歆遺塵世
日醉桃花不記年

劉宗岱

副使歷城人

登泰山

石磴天門闢
太空躋攀夜到

碧霞宮崖碑洞府標靈異
兩脉雲根肇化工
六月泉飛嵐氣冷
三更日浴海濤紅
可憐秦漢遺封在
玉檢金泥竟未窮

潘子雨

歷城人少卿

同陶心齋登泰山

岱宗天下稱形勝

携客躋攀雲霧中
玉檢金泥傳歷代
秦碑漢碣照

蒼穹陰崖時積千秋雪晴晝雷生萬壑風興到不
辭絕頂處乾坤一覽兩眸空

劉隅

都御史
東阿人

登岱絕頂目觀峰頭煙霧霏天風列列

振吾衣仰捫星斗明且近東望蓬萊似復非豐石
緘金何代密群山積翠下方微安得羽翰凌風去
從此飛游四岳歸

趙邦彥

舉人東
阿人

登岱岳峰頭俯鴈群鳳幢玉殿禮

元君層崖疊嶂低秋日漢石唐碑冷夕曛烟霧下
迷千室雨臺廊晴澹九霄雲五松風起寒濤急鳴

咽秦聲不忍聞○岩嶂縈迴烏路藏金牀玉几闕
靈光神功片石生雲雨元氣鮮峰合混茫九點禹
州渾一色萬年玄澤走諸方安期煉藥餘丹洞烟
樹蒼蒼澹夕陽○金泥王策靈章秘巨岳仙閣奠
魯疆三觀雲峰天矗矗六龍輦道樹蒼蒼崩崖積
雪千年白陰洞桃花四月香薄暮飛觴凌絕頂蓬
萊五色晃東洋○巖岫天迴紫翠紛蓬瀛東瞰碧
氤氲霞宮日麗千巖樹鳳沼波涵五色雲秦越河
山盃底盡乾坤靈秀杖邊分玉童不見烟空渺茫

倚松亭睇紫氛

朱維京

主事萬安人

登岱日觀峰頭叩

帝闕上方樓閣

隔塵寰暫辭載筆西清署直上題名北斗間十二
齊州歸指顧三千天界盡追攀高山自昔同懷仰
不嘆相從梁甫艱○突兀真看切太清將因仙侶
得登瀛百千萬劫推雄鎮七十二君祗浪名山靄
為雲迷楚望松濤帶雨作秦聲還朝莫訝無新草
不擬乾封侈聖明○封禪當年事若何秦壇漢峙
鬱嵯峨向來二客尋仙處曾是千官擁蹕過日色

浮金搖白馬，天空如帶走黃河。
振衣直躡天門上，夜摘星辰浩浩歌。
巖光噴薄遙天下，萬里扶桑曉氣來。
縹渺群仙疑海上，參差三觀倚雲開。
華嵩並峙難為侶，河漢中流見一杯。
玉檢金科渾幻跡，漢皇當日問蓬萊。

予慎思

庠生東阿人

望岳吟

十日行陂陀，頑山總不快。一

朝望峻嶒，忽然豁眼界。明滅微茫，或可觀嶄嶄。
蒼巖照終古，神秀獨鍾造化奇。遠射蓬瀛，近齊魯桑
田。未為海衣冠禮樂長，不改龜嶧諸峰未足尊。中

天突有一峰在七十二主未封前靈秘乾坤知幾
年秦皇玉檢徒為爾漢帝金泥亦罔然漢封猶有
雲出處碑斷秦人留玉筋三光未老岱宗高元氣
茫茫收不去翠律兮崑崙上有松糾兮蘿結鹿駭
兮猿矯安期羨門不可以倘見吾將乘螭駮豹求
錢儻與王喬日觀峰頭衆山小夜半赤輪映滄皎
莫言日月隱明光且見陰陽割昏曉未須奔走禱
名岳一望雲岩顏已破拄杖穿雲會有時凌風觀
瀑歡無那

岱岳游引

平生海岱客乃夢嵩華遊

積蘇累塊不入眼十年蹭蹬仍東州塵寰偏側不
受羈時時倒景凌清秋人言岱宗鄉土物可與元
化銷百憂因之高丘望遠海海風四至聲颼颼天
門高高望不及但見奇峰峭壁千態萬狀使我應
接無停休登月殿開雲樓下視雲霧翻螭虬辨馬
峰頭認尺練側身猿狖仍哀愁地五岳天三台造
物辨此何雄哉若士此一至汗漫未可恢齊諧君
不見華山傾圯恒霍蓋海岱惟有東諸倭東人望
岳如望母膚寸興雲副所求書生泥滓憶清汲未

斷塵緣柰別何泰山處士高風在且向東峰翳薜蘿

戴相荒

履歷見前




兩日躋攀耽勝賞會凌絕頂

興尤狂周天列象高低轉下界彤雲遠近光碣石
峰頭留皓月蓬萊海底見初陽嗟予陟岵仍多病
却望衡廬憶故鄉

黃一桂

府判閩人



驅馳王事陟名宗歷覽危崖奇異

鍾天向空中開殿閣人於寰外見玄蓬龍渠吐沫
懸千丈鳥道盤烟曲萬重仙子羽成憑鶴化白雲

流水訪遺踪

郭恬

推官臺關人

去年曾上蓬萊閣今日

還登封禪臺滄海已知重譯獻岱宗聞說六飛來
萬方香幣供仙后一代龍章發聖懷自愧微臣兼
稅事雲霄徒倚望三台

袁穰

知州懷遠人

天門遙上鳳凰巔萬丈丹

梯紫炁連東極長留玉女勝登封猶紀漢秦年尊
開曙色滄溟近杖倚磨崖日月懸更向層崖尋聖
跡攀躋應在世人前

揚文祿

同知國史人

登岱海宇誰云濶都來一望中峰巒

咸拱北日月阜窺東下土疇能並中天此最雄宣

尼元獨步萬古仰高風

顧文耀

東吳人

登泰岱宗峻極逼瑤京萬里風雲杖

底生漢時至今浮王氣秦松猶自靄春融朝天客

仰天門迥捧日心懸日觀明掌上河山皆帶礪磨

崖還頌泰階平

蘇眉山

閩人

土皇頂玉皇高閣擁丹丘鶴壁峻嶒瞰

百州彷彿紫微星斗逼應知身在五雲頭日觀

峰曙色峰前五夜開扶桑推出火輪來紅光直射
滄溟外倏忽文明遍九垓

丈人峰氣象巖巖此

最尊群峰兩兩列兒孫古今幾度滄桑變惟有乾
坤此老存

桃花洞雪竇雲岑玉洞新桃花紅勝

武陵春仙槎直泛蓬壺何事漁郎復問津

阮自華

興人安慶人

登泰岳朝回青帝坐山前歷落繁星

綴繡簷封色錦浮司馬頌海光紅起祖龍船松亭

巖屋神堪畫石岫天門秀可憐枉自浮槎尋八月

已教襟帶入重玄

張新

登泰丹梯縹緲上天關
大地山河指掌間
欲傍星辰捫帝坐
直愁雲霧失人寰
泥金瘞玉終誰在白
石清泉杳自閑
匹諒吳門何處是
凌風好便拂衣還

陳申

宿泰山公館晚遊乘閒過岱宗躋攀曲磴
幾千重未從絕頂耽清興已耿群山度曉鍾
寒夜暫將丹竈訪柴門詎許白雲封悠然借宿石床
月肯數華陽第二峰

光廬

舉人歷城人

登泰倚杖凌空俯大方
振衣千仞獨傍

徬海門吞吐風雲色天界週迴日光魯定齊桓
俱寂寞秦封漢禪入微茫乾坤縱我探奇客瑤草
拾來獻聖王

周天球

吳郡人

望岳鬱葱日夕氣佳哉衣上橫飛綵

翠來薄海千山趨下隄中天三觀表層臺射牛何
處修封跡司馬當年草禪才欲問五松巖壁上秦
時風雨互相催登岳六龍開道九霞傍飛磴盤
壘躡景光中阪直愁風引去下方微見鶴迴翔雲
埋培塿群峰小天圻河流一線長巖際倒身低落

日無知匹銀泉非鄉

余維王

學正樂安人

登岱為學真如陟泰山一毫急應莫

躋攀謾從石磴層層上自入天門蕩蕩間觀日三
更原有本棲雲萬壑松無關直趨孔子登臨處道
眼應知隘八寰

孫時

蘇陵人

登泰山

崇朝常說泰山雲如削芙蓉迥

出群疊嶂迴陰藏巨壑長河浮練落晴霏烟霞不
改登封色金石猶存異代文此日乍臨多遠矚獨
將杯酒戀斜曛

陳宣

登泰乾坤五岳峙形勝首稱東截紫峯

梯秀巘屹翠壁崇蒼茫看礪石獨立擬崆峒下界
雲烟杳中原日月同山靈曾駐帳地險幾回驄雪
下先冬白日觀未曉紅逍遙青帝殿精爽碧霞宮
棟宇聯星斗神光閃電虹聲名馳化外柴望肅升
中感應千方一呼號萬里通貢輸如國課覆載比
玄功漢策相如麗秦碑李斯工仙人疑可見王女
日相逢元化無離合山川隨始終我生衰髻短流
落壯心雄寄寓聊題咏低垂寫赤衷

冀相 津州人

桃花洞步入桃源路天台跡似茫曾來

伴劉阮不是問津郎

石口雲洞危石巉巖裹白雲

向此生兩三姑女在閑讀子雲經

異相

泰山晚照

寒曉隨駘馬斜陽度兩峰碧

茫空眼界奇絕到曾中日月東西照烟霞遠近籠
靈輝粧異景人世此難逢

鄭材

要人

登泰山

泰岱峻嶒尊五岳乾坤氣象此

悠悠星辰近對雲霄出日月遙看渤海浮磴道盤
紆千嶂斷飛泉瀑布萬谿流平生豪俠登臨意長

嘯拂衣天上頭

宋存德 秣陵人

登岱幾年踪跡混塵寰誰意名山此

日攀鳥道逶迤青嶂外群峰杳眇白雲間恍疑天際聞鷄犬忽訝長空震羽翰况是勝遊偕妙侶可無佳句紀層巒

吳道漸 浙人

登泰三十六盤何險巖曉來登眺自忘疲

眼看山頂疑無路身在雲端不自知羸氏五松亭故物唐人千仞有磨碑古今興廢只常事金簡玉函亦大奇

虞潘

大澤山

天放晴光快我遊

攀崖直踰

雲頭烟塵消盡江山曙腸腑收回宇宙秋追覓鳳

麟思孔孟平臨霄漢憶皇州何人更訝來遊晚一

嘆千年願已酬

孫璋

海寧人

登泰山

玉柱崢嶸接上蒼攬衣登眺思

茫茫兩輪日月雙峰近一統山河萬里長絕漠有

君皆入貢窮荒無地不歸王于今莫奏東封疏聖

治雍熙萬漢唐

王棟

訓導奉州人

登岳

登岳到巔奇又奇碧霞宮闕紫雲

樓干尋絕地遐如舉咫尺瞻天近欲窺見天幾人
稱道眼禮玄何限乞神禧遙思東魯毓靈秀應有
才賢鳴盛時

朱覺民

學正高郵人

登泰山淮海生平仰泰山何緣咫尺

得躋攀仲尼遺跡將繩武石洞玄修許叩關磴磴
漸超雲霧外巖巖特立雪霜間山靈試與評高下
明鏡無臺更出寰

朱洪濟

學正陽義人

祈雨

炎蒸如燬值愆陽大地嘉禾暎

欲傷萬姓憂惶心珍瘁一誠感格雨淋浪豐亨預

慶籌車滿頌述咸稱主牧良功德由來應食報徵
書首辟佐巖廊

王化

訓導六
安人

祈雨旱魃為禳虐燄狂焦禾爍石衆皇

皇郡侯懇效桑林禱河伯洪施雨澤滂望慰三農
興頌美忠輸九稅慶豐穰朝天課績應稱最顯

擢高名注帝傍

汪坦

歷

登岱

十載遨遊鬢欲星竭來長提岱峰青

氤氲樓閣憑真宰歛吸風雷朝萬靈人間得失誰
為主天上神仙我自名煮石餐霞非妙乘寂寥還

復悟無生

郭汝林

永豐人

登岳天留岱岳開東土壯志登臨日

正晴漢祀秦封俱莽跡峭崿幽壑獨閑情樓臺
氣滄溟抱古木龍文日月衡探賞未窮吾借榻翠

微今夜一星明

查志隆

履歷見

三登泰山紀行泰岱峰前一駐驂天

門御帳簇晴嵐悲秋忽漫逢重九歷險應知快活
三十八盤中還汗血萬重雲際任歌酣大觀許步
宣尼後長嘯歸與也自堪

晴隆慶壬申年被連蒙恩昭雪東歸過北

○十五年來復此遊山光如昨思悠悠夫人峰往

乾坤老玉女泉涇日月流三伏寒厓猶挾纈九霄

霏色欲沾衣忽看雲雨連燕冀聖主應紆早魃

憂

時萬曆丙戌起官東嶺夏月行役過此遇雨

○冬孟登登最上頭諠

如春暖爽如秋月輪正向瑤池滿日觀翻從碧海

浮龍峪三辰風不動亂灣萬壑霧全收乾坤一覽

歸圖籍可是山靈為予

州時萬曆丙戌冬月奉臺檄脩岱輿訪勝過此

鄒德溥

翰林院編脩江西安福人

登岱二首泰嶽岩堯逼斗垣人

間不道有崑崙雙峰日月環天界半榻風雷薄帝

關北指雲光瞻紫極東來海色入清尊秦車漢鼎
今何處嘆息空山片石存○萬疊層巒拱岱宗蒼
崖峭壁削芙蓉山光杳靄吳門馬海氣霏微越觀
峰清角猶疑聞帝籟赤丸何處覓仙蹤振衣獨倚
青霄立片片輕雲落五松

光廬

舉人山東
歷城縣

登岱吟同鄒太史賦

生平自抱神仙

骨喜入深山采薇蕨泰山五岳推其尊故人招遊
出帝閣相將攬勝山之後奔峭斷崖錯如繡鳥道
盤旋千仞餘危巔上有玉皇居日親振衣白雲落

天門長嘯清風度清風細兮
籟聲白雲斷兮
日生分野中峰齊魯變晴空下界雷雨暗殘照荒
荒翠嶂前琪花歷歷以相然河流如練掛秦樹霞
散為綺明鄭圃七十二家封禪君空留片碣滋苔
紋吾欲尋真訪大道直窺方嶠恣幽討阿誰煉藥
古洞開五色烟光燭上台半畝磐石勒科斗臨經
似出蒼顏手願乞仙人一粒丹如是我開心地寬
采采蕨薇最可茹不作神仙不忍去菟裘老矣絕
塵埃曰歸塵世轉堪哀秦山道中同鄒太史賦學

士干旄出帝都來過東岱挾狂夫自憐芳草常為
客却喜碧山不負吾野戍花陰隨去馬江樓月色
照呼盧憑君雙劍如秋水肯把生平意氣孤

蘇澹

濮州人

登岱二首平生湖海原空闊覽勝今登

第一山夾道濃薰楓葉赤垂巖倒染菊花斑九州
禹貢微茫外千里堯封指顧間星斗瞻依真咫尺
夜深環珮響珊珊○西風吹送登山屐鱸携攀躋
興轉濃瓜葛周親丈人石浮沉秦爵大夫松幽泉
細迸中天月虛谷遙傳上界鍾沐雨盤雲翠如削

卷之十一

蘇漢

漢州人

瞻岱二首拄杖來天上下有雲氣浮乘

風謁泰岱觀日渺滄洲採藥迷仙路尋經斷水流
夕照挂林杪逸興不堪留○來拾金光草旋登王
女池逢僧談古跡穿徑探幽竒斷碣樞秦字摩崖
讀漢詩憑軒以一望雙觀鬱參差

劉勑

歷城人

登岱岳峰頭玉樹秋拂衣長嘯思悠

悠眼空宇宙三千界勢壯山河百二州人到天門
星斗近雞鳴日觀海雲浮當年禪草今還在秦漢

歌以紀勝我遠登太山三月春欲暮萬里來長風
當空捲雲霧須臾霧盡見山色蒼翠衆天門六逼
層層石磴躡雲升萬壑千生轉奇特御道策迴六
龍翥峭壁飛泉挂瀑布遙看一鳥桃花紅却疑又
入桃源路大夫松何落落無字碑何巍巍秦皇漢
帝今安在唯有此松此碑無傾頽巔巔在石滿山
立磨崖字久蒼苔泥靈蹤秘跡不可窮深巖時有
蛟龍蟄振衣再陟最高峯大地山河一望中眼空
不啻小天下獨超太古窺洪濛東向蓬瀛但咫尺

西顧崑崙近可躋赤城王屋肩隄間烟霞繚繞登
山屐勝遊至此何快哉排空大呌天門開雲端玉
女兩兩下招我直上金銀臺顧我自媿塵凡賁稽
首群仙謝非及准願投簪學向平遍遊名山棲少
室登岱雜詠○石經峪翠屏圍石壑誰把金經書
歲久字多滅經旨只如如迴馬嶺御道六龍過
壁絕千馬迴登封世已遠山逕滿蒼苔大夫松
長松倚絕巘蒼翠欲摩空豈受秦皇命自有白雲
封御帳峭壁迴參天四顧若到帳曾留帝子棲

翠華可想望

天門遠隔青雲梯一振凌風極長

蕭入天門玉女遙相接

玉女池山池水碧澄可

照夫容面玉女時往來彩雲飛片片

白雲洞石

洞棲白雲玉檢封漢武漢武父寂寥白雲自千古

無字碑雄圖已消歇山頂遺空碑金書不可見日

夜天風吹

日觀峯夜宿日觀峯起看扶桑日海

底騰明珠蛟龍驚出窟

孔子厓尼父昔登臨玄

覽超無上我來得瞻依頓覺心神曠

張懋忠 肥鄉人

登岱二首天門雙控鬱葱葱竹杖

西來禮大空削王幾時留漢策探碑千載識秦功
晴光近指扶桑日紫氣遙連碣石風七十二家今
寂寞冰簾不盡野花紅（雙龍百折漱清湍夾道
蒼蒼第幾盤明月平臨三觀合白雲不動五松寒
長裾寶色香扶起幽谷玄芝鹿踏殘方外道人源
水性為探玄岳著書看

郭德博

翰林院編修
江西安福人

同光顧吾遊泰山道中感念舊

遊賦此（當年結夏南山寺與君意氣凌天地蒲團
坐破千（年雲雲光片片落人世今日逢君清源頭

攜手重為泰岱遊，泰巔未陟心已壯。
飄然如在青霄上，君行山立不可移。
吞吐風雲百代奇，乾坤偃我以康樂。
高朋勝槩兩遺之，何時從君三山島。
共躡仙蹤拾瑤草，丈人峯獨立。
丈人峯直覺天下小，仰視有高真。
俯矚無孤鳥，日觀峯我凌千仞。
崗縱目乾坤外，長風吹海色。
冷然襲衣帶，玉女

山青天垂絕壁下，有幽人居。
趺坐白雲澄然萬籟虛，白雲洞。
此洞足幽棲，臥筇聊一舍。
竚看吐白雲，霖霖雨天下。
石經峪誰將貝葉經，勒此盤

石上梵字有無間亦足悟法藏

桃花峪峭壁凌

穹蒼例泉貫其趾不知天地間清絕更誰似無

字碑絕巘植空碑古人如有意由來最上乘原不

立文字大夫松爾本抱勁節秦官何及之乘風

發長嘯如美商巖其泰山道中有作中原古道

草萋萋萬里游輶以水西喜有青山供野興且呼

明月共巖棲空江生斗懸蒼壁野戍風雲暗綠谿

七十二君封禪女可能策杖問金泥

俞琳

教授江西信豐人

歷徧危岑謁帝孫碧霞殿近紫

微垣天行日月雙火相照地列嵩華獨此尊瑤草琪
花成色相霓旌雷蓋擁精魂試從金闕凌風立九
點神州盡可捫混元閣為覓三陽觀停車更一
朝松陰移白日石徑倚青霄宸翰暉山谷仙丞
鎖沈寥談玄真有笑况屬故人招

喻均

新建人松江知府

暮春一日同李長卿侍御登泰山四

首宇宙名山願不違還從仙客試春衣天迴大海
雲千疊花滿中原錦一圍秦觀崔嵬人已遠吳門
縹緲事還非千岩鐘磬尊前合不遣雙筇下翠微

○齊魯千峰望裏開濁河清濟日縈迴居然形勝
雄諸嶽久矣英靈動九垓翠壁舊諳虞帝狩白雲
曾覩漢皇來 聖朝謙讓東封事莫問相如作頌
才○昧爽徘徊日觀東漸看曉色入溟濛祥雲不
導義和馭濁霧翻迷海若宮巨壑魚龍眠自穩諸
山金碧坐成空遙憐萬里扶桑影倘避霜臺御史
驄○步轉山腰日欲晡還從官闕醉醺醺簷前氣
候分寒燠郭裡人煙定有無鳥道千盤垂脫險鳩
筇雙印未頭扶山翁笑指亭亭幹曾是秦時五大

夫

陳萬言

御史南
海人

題日觀

萬戶星辰未曙天瑞光先照

觀峰前應知此去扶

余近願借仙槎到日邊

小

天門值雨武帝登封

尚有臺靈湫時見白龍迴天

風倒捲簾泉水猶有

霽望雲外山

河拱岱宗鄉關何處

半重重憑高極目堪惆悵認

錯羅浮浴日峰

無字碑鞭石曾聞自海東晶瑩

今徹碧霞宮摩娑汝小經題刻猶勝磨崖耻頌功

岱宗登拜古來二月巡地異代登封事有無玉

檢秘藏芳草合翠華臨幸慶雲孤天邊舟楫尋仙
侶馬首喬松號大夫今日守臣惟秩祀青山尊俎
百神趨○夢憶名山已數年偶隨猿鶴共聯翩攀
懸石磴疑無路轉出雲林別有天滄海烟波圖畫
裏齊州形勝酒盃前○寺真未悟長生訣欲向峰頭
禮玉仙

呂坤

山東萊政
寧陵人

毒草歌

序
萬曆戊子春山東飢蓋

二年旱後也菜根樹皮剝掘殆盡又食及野草幸
無毒不問苦辛生熟面黑者如鍤黃者如土堙者

橫野不復收余行部日。先道間青草三二種花。且
實矣蔚然獨存。問之對曰。此猶兒眼荒花鬼臼也。
有大毒。使入喉。能即死。幸甚。往有食之者。吐瀉懊
惱。終日夜裂肝腸。竟不死。其難堪視死甚焉。何敢
食。余投淚而代之歌。○柳頭盡榆皮。少豈是學神
農。個個嘗百草。但教飢餓緩一刻。那論苦辛喫不
得。嗟嗟毒草天胡生。此既不延我生。又不速我死。
速死豈不難。長飢何以堪。
靳庄行長清六月纔
禾黍。大家小家愁無雨。草根挑盡木如冬。又見探

雞啖野鼠沙中稚子哭欲絕阿八卧路不能語三
年長餓一息在那復餘情念兒女破屋一叟搗榆
皮我問搗之欲何為土性多沉糠性浮榆末和之
可為糜極知強活能幾時暫於腸胃勉撐持妻子
填溝老我存死者長樂生者飢慟哭無聲但有淚
瘦骨令人摧心脾道傍一廟有神坐黃金為身受
香火

白南金

永年人

登泰山

峽口

長風放曉晴

捫蘿屹立

壯心驚翬塵平隔天門迴忽鬱還將日觀生鴈影

高秋來朔漠松花一夜到
地瀛淩虛忽憶千年事
澳策秦封總浪名

徐守仁

維歷初

登岱魏魏東岳接蒼穹誰開紅門磴

道通腰笻漫經黃垓嶺攀蘿直上碧霞宮堯天舜
日瞻依近魯章齊州指顧雄千仞磨崖都覽徧還
登絕頂頌神功再登兩度探奇謁岱宗山增靈秀
擁芙蓉穿雲曾出天門路望海還凌日觀峰碑上
苔痕侵漢篆岩前松蓋偃秦封三千世界微茫外
直北明光是九重

姚自復

吳縣人

登岱

岩薨素嶽喜攀躋十八盤開石

作梯草裨尚傳司馬賦宮封已沒祖龍題振衣直

上天樞近倚劍雄看斗柄低翹首吳所何處是子

雲匹練望中迷

周道南

諸人吳

登岱

宇宙名山屬岱宗至今猶自說

秦封低雲歆度千峰鳥噴雪爭回萬壑龍日觀可

能通

帝座天門應許躡僊踪故鄉極目知誰是匹練那堪

帶下春

姚應士郵縣人

登岱奇觀小天下狂客興吟豪環壑

群流細擎天一柱高彈丸爭是日秋葉競為舸山
麓青天雨楓林白晝濤孤城卷石聳魏闕片雲掬
無字秦碑幻封禪漢史噉水簾飛瀑布龍峪躍神
鼇峴嶺黃梅熟懸崖翠黛桃碧霞深隱處玉女煉
丹膏五華泉浴面八彩鳳啣旄粧鏡當空照梳雲
四野樛芙蓉開綠髻星斗燦官袍環珮鳴千澗簞
簞奏萬嶂僊橋三碣石御仗半蘭墀夫松凝雪色
聖道配天褒崖文神鬼護輶路鳥猿號石印金剛

字波搖日觀嶠山河百二境法界萬千曹登臨一
長嘯名利等鴻毛

胡希舜

副使原武人

登岱岳乾坤無際此登臨獨立清秋

思不禁海水東來三島近天門北望五雲深看山
玉女烟中度對雨蒼龍閣底吟七十二君何處覓
空聞冊簡連黃金

詹仰庇

侍郎安溪人

登泰山二首出城已愛數高峰上嶺

雙眸翠萬重澗道亂鳴厓下瀑山僧遙撞客來鍾
迴巖天蓋傾東海恠壁風濤韻古松勝絕只欣酬

風約神仙何處更相逢○漢檢秦封空復聞銅梁
金尾袍元君坐觀萬象終無極下瞰千峰恣不分
酒外殘更滄海日封中終夜石樓雲拂衣未遂烟
霞癖聊爾登山出世氛

陳文燭

大理寺卿
沔陽人

泰山曰首阿閣神房見羽翎僊山

吾父佩貞形吳門匹練天門白海上飛濤掌上青
開闢自来分日月煙雲吹處落辰星張衡東望緣
何事豈謂茲山好勒銘○日觀孤峯迥絕羣御香
亭散氣氤氲松聲似帶秦時雨壇影頻飛漢檢雲

玄石洞中尋王女碧霞宮內訪元君
去年曾過臨邛里尚憶相如草禪文
○霏霏涼雨送山鍾樹杪俄驚掛
白龍帝闕依微看止極聖朝禋祀
少東封千秋玉液終當遇一望層
雲已蕩冒李杜高篇今自在那能
校獲得相逢○指顧名山夕照前
中原平楚正蒼然黃河曲抱一又
澗滄海寒生六月天地辨齊州煙
九點臺瞻魯國道千年安期亦有
神樓散可得從吾肘後懸

李化龍

提學副使
長垣人

登岱八景崔嵬岱嶽倚蒼穹百轉

丹梯一線通吐吸風雲天上下周迴日月地西東
青童駕鶴歸靈府玉女鞭龍起帝宮萬里壯遊誰
復羨直從太始問鴻濛○阿閣神房不記年由來
一世外有山川祥光自吐仙人掌靈液常飛帝女泉
風捲松濤千嶂雨日蒸丹洞萬峰煙凌空欲逐安
期去知在虛無第幾天○風定神鰲靜不遊振衣
東望海雲悠誰憑日馭窮三界獨倚天門見十洲
波吐金銀僊觀曉煙沉紫翠帝京秋乘風寄問無
生客底是蓬壺第一流○玉檢金泥絕却灰尚留

遺跡至今猜白雲
捧日封中出青鳥
却書海上來
輦道蒼蒼秦樹晚
雲屏矗矗漢宮開
徐生自是饒仙骨
一入東溟更不迴
○陸海春濤萬里看
冷冷清嘯五雲端
飛流倒瀉三千尺
峭壁中分十八盤
風細幡幢朝貝闕
月明鳶鶴下星壇
尋仙吾欲成長往
天柱峯頭好挂冠
○中天嵐翠鬱沉沉
積氣搏空冷不禁
金殿分明懸碧落
銀河清淺挂瑤岑
天鷄夜唱扶桑曉
海鶴晴盤琪樹陰
七十二君無覓處
只餘冠劍影森森
○千盤鳥道轉雲蘿
徒倚

層霄發浩歌北走峯陰凌紫塞西來練影落黃河
諸天迴薄星辰近下界蒼茫風雨多眼底殊庭君
自見九還未就柰人何○中峯自合小殊方絕頂
真疑出上蒼八極風沙塵漠漠五城煙霧水茫茫
笙簫半入鈞天奏杖履平分北斗光彩筆只今干
象緯擬將仙露奉 君王

魏允貞

少卿南樂人

和李于田憲使登岱八首浮生

何處可開顏東岳凌層盡日攀不為佩環辭上國
何因杖履到名山振衣迥出風塵外倚劍平臨星

斗間欲覓仙人問真訣安期一去幾時還○矯首
青山萬象低興來華髮不言疲藤蘿一徑諸天近
紫望千秋五岳齊紅日初升滄海底黃塵遙見濁
河西故人坐嘯今何處徒倚千峯懶自題○萬疊
芙蓉列翠屏崔巍歷盡扣玄扃蒼龍上應東方宿
玉女元鍾太乙精風引笙簫來碧落雲連香火散
青冥仙盤乞得蓮花露更祝稱觴一萬齡○青帝
高居紫極傍殊方奔走日皇皇興雲致雨來天地
玉檢金泥自帝王風俗千年通闕里蓬萊一水接

仙鄉登高作賦今誰是聽罷鈞天意未央○鴉
崇朝洗岱宗登臨偏愛雨中峯干霄老樹巢鳴鶴
出岫春雲起蟄龍明主何須司馬草幽人豈羨大
夫松山中未老青芹色采采還期獻九重○微軀
多病此何求為愛名山不自由福地有靈嚴廟貌
神州無限盡峯頭水簾晴瀉四時雨雪澗寒生六
月秋忽憶知章鑑湖事願從天子乞丹丘○東西
華岱鬱蒼蒼兩度凌風到上方秋杪真源尋白帝
春深左个問明堂山河歷覽中原盡人世空憐百

歲忙醉倚天門發孤哨飄然雲鶴伴回翔○回首
仙宮隔翠微烟霞猶自絢荷衣泉分百道空中落
鳥在千尋澗底飛山下櫻桃殊覺好日斜藜杖始
言歸洞天別有栽真處說與遊人知者稀

秦松

雨中松樹倚嶙峋不洗東風舊日塵何似桃花含
意遠武陵只戀避秦人

日觀峯

太行回首白雲

留晨省何人更遠遊不為探奇來日觀將因東海

問添籌

水簾洞

藜杖山中破曉烟涓涓石壁掛

流泉冥心會到源頭處一派銀河自九天

仙人

原缺

開水鑑漾天光萬朵芙蓉插上方一吸可能千百
斗仙人能換世人腸 仙人橋天外罡風吹石梁
仙人三五共翱翔翩翩黃鵠如堪馭過此應分明
月光 太平峰昔年尼父登臨處地擁千靈嶽色
開四顧依然天下小不知何處紫雲來 封禪臺
秦皇玉檢定何年泰岱雄名萬古傳覽勝未須談
往事與君爛醉弄晴烟

吳上賛連江人

春日登岱二首

癡有看山杖屨從

東來泰岱衆山宗碧霞洞口天孫宅白鶴巖前丹

觀峯石跨神霄多鼎鑪松依御帳半虬龍上頭歌
到天將暝月映藤蘿萬壑鐘○山靈疑不妨探奇
捫葛攀蘿雪霽時峪引龍泉穿劍石路通鳳輦到
瑤池斷雲天際吳門練荒蘚金邊漢代碑古往今
來俱是幻不知何處覓安期

李維楨荆山人封禪儒家議禮難獨憑雙屐恣
遊觀日華夜啓千峯曙海氣晴飛五月寒
無篋何從探漢策有松曾未拜秦官少
年深媿顏公目不得吳山匹練看

嘉靖乙丑五月

李三才

提學副使
陝西人

暴經石水簾暴經石傍水泠泠鎮

日獨來倚樹聽此意世人渾未解
半天矯首萬山青

登泰山絕頂

清齋獨夜萬緣空踏破天門與帝通

一任紅塵千萬丈此身已住白雲中

陳文燭

南京大理寺卿

約李伯承符卿游岱清平高閣守冰

玄海內重鑿翠李謫僊興至我尋青帝觀歸來君種

汶陽田遠山排闥渾依座明月窺人欲上舡七十

二家多禪昔相期同醉白雲巔

王士性

山東人

登岱四首

靈符作鎮握天孫積氣

蒼茫縱吐吞日出三山離渤海河凍萬里接崑崙

霞明金闕中峰起土蝕玄崖半碣存解道東南天

咫尺誰從匹練覓吳門仙人挾博泰山隅授我

真形五岳圖大谷風生岩壑動平原勢壓海天孤

驪珠未曉太先吐潁氣纔臨雨欲俱遙指齊州烟

九點不知身世在虛無斷碑空鎖舊宮扉七十

餘君事總非小匣裡已無金策在封中豈有白雲飛

青連齊魯嵐烟淨
蜃作樓臺海日暉
俛仰置身輕一羽
天風颯颯引征衣
東方列騎擁千羣
共道登壇挹紫氛
爽道兩崖行逼漢
摩空片石臥分雲
秦松漢栢占人代
貝闕琳宮灼斗文
奔走萬靈何日了
泰山封罷碧霞君

登岱宗觀海行送鄒爾瞻南遊
泰岱山頭一片石
影落滄溟浸空碧
鳥道捫星十八盤
峭壁回飈四萬尺
鷄鳴赤日升扶桑
日觀峰高海水黃
徂徠梁父倒地伏
咫尺顚氣摩穹蒼
金書玉匣秋烟裏
七

十二君呼不起長劍義冠跨赤鴉梁園之客石城
子振衣絕頂須眉開吳越周秦何壯哉把酒問天
天不語罡風颯颯天門回乘風歎嘆太東極化作
蜃市成樓臺老蛟奔走駟龍怒珠光吐射三峰摧
夫君揮手招八表明月轉向青天來蓬瀛明滅不
可覩恍惚似欲揚塵埃五松亭亭還舊壘白雲封
中年代改欲刻懸崖紀姓名恐如山靈泣真宰君
不見秦碑昔已斷漢策今安在莫凭廖廓駕鼉鼉
但指陽鳥即東海

陳藥登岱八

和李于田憲使韻

巢燕使

丹梯崕岼倚
空果信大門有路通雲氣直連燕以
北日華擎出
之東鵬搏綽約窺璇室蜃吐依稀見
紫宮
靈石封
蒼幻跡願從飛馭問鴻濛

神開岱嶽幾
年地闊東瀛會百川青鳥銜來多法

果白龍飛去
靈泉坐忘碧落聞虛籟
把菩提弄

曙烟瑤草金
何必問凌雲直擬扣諸天

僊境光風試
遊瓊林歷歷思悠悠雲遶麟鳳連三

島天際蓬萊
允十洲絕壑烟蘿堪避暑擎空花木迥

宜穩凭闌遠眺蒼茫外
咲指洪濤帶日流

漢峙秦封惚劫灰
金瀛寶樹未須猜
遊天玉女何曾駐
渡海青童亦弗來
雲繞之罍空外見
花依不注日邊開
共凭高觀追靈蹟
黃鶴青牛首重回

五老峯巒最好看
群真環珮下雲端
鳳笙縹緲銀為管
麟脯葳蕤玉作盤
王母幡花來上苑
大夫松影浸虛壇
來遊彷彿逢仙侶
望闕時時一整冠

松杉鬱鬱畫沉沉
六月飛濤冷不禁
時拂幽香穿綺樹
漫看空翠滿雲岑
鸞兒着柳猶嬌色
鹿女銜花散

午陰共上層臺一迴首丹房琪石思簫森

磴道陰陰滿薜蘿直凭日觀一高歌凌空羽翮來丹
洗瑤池流自絳河海上僊山從地湧城頭風霧近秋
多於斯欲結餐霞侶未滌塵襟亦爾何

靈趾居然冠上方半空樓閣鬱蒼蒼勢連嵩華相撐
柱派接蓬瀛入混沌星極遙瞻夕氣色斗垣長藉有
輝光登來拭目看天下獨向風前禮素王

胡汝煥登岱山四首典試主考

半生婚嫁暫從容
躡蹻貪過大山宗
抱膝幾深梁父意
側身絕拍丈人峯
無勞禪少太司馬
已辦祠官護六龍
當日高皇唯嶽祀
小臣不敢上乾封

獨上岩峩十八盤
萬峯秋色盪胸寬
全收嶽瀆成東面
對抱乾坤自一丸
風雨樹邊聞講德
星河檻外擁登壇
蓬萊五色雲長近
咫尺神京拄笏看

回首中原一杖藜
白雲天矯護丹梯
天綦天練吳封出
日射黃金漢時低
海氣四時二觀外
泉聲百道九河西
怪來玉女猶祠廟
錯認蓮花手自携

山頂有紫霞元君祠

香火甚盛放燔不知所謂西華蓮花峯有玉女梳頭
盆世人妄傳有玉女說今豈誤于泰山頂耶因及之
丹樓萬疊枕雲邊東望滄海一粟懸携去龜鳧非小
魯竭來龍馬正中天書探孔壁三千後字辨秦碑七
十前身一到來渾不解不妨乘月弄過躔

耿惇

關東人
都御史

登岱詩四章

其一

泰岱峻嶒躡翠空人疑問道向崆峒倒窺天地蒼
烟外遙接青徐返照中古洞何年探玉策長松千
載護珠宮携來奇句沉星斗一嘯能生萬壑風

其二

千峰曉色撲青天絕磴盤空一逕懸
丹樹遠飛滄海日碧岑斜掛赤城烟
少陵到此人如醉太白當年詩欲仙
几賦壯遊悲老大雲中擊斷祖生鞭

其三

岩堯一柱插清虛高擁籃輿訪帝居
道德于今遵孔父登封從此薄相如
神人鞭石天門動方士乘車芝草疎
徒倚秦碑傷往事殘陽古廟獨躊躇

其四

縹緲真成汗漫遊
香風引我入丹丘
披襟冷逼沾
烟雨倚劍光衝映斗牛
石路高盤碧落上
滄溟直
接黃河流
自從登岳詩
心壯氣吐長虹亘九州

張縉彥

新鄉人右布政
前翰林學士

岱嶽詩四章

其一

玉檢金泥何處尋
秦碑無字轉蕭森
大雲平抱天
門起碧海遙連碣石陰
藤蘿一逕星堪摘
柴望千
年蹟已沈
聞道茂陵番
禪草夕陽古黛愁人心

其二

魏闕凌層紫氣屯欲尋青帝問真元三山氣接雲
常濕五嶽形分勢獨尊漫道金函留漢峙誰從匹
練覓吳門平臨齊魯天一色萬古難名造化根

其三

扶輿靈輿接西崑玉女池頭風雨痕尚有秦松迷
輦道空餘漢篆老陵園林昏白鹿眠丹籙溪冷玄
芝出海門欲假羽毛窺五祀天風颯颯起鵬鯤

其四

明堂山畔有周圖議禮紛紛陋漢儒綿曆不聞金

策在求仙惟見海峯孤軒轅封塵雲終老尼父登

臨日已沮峻極不堪憑虛望斷崖寂寞草模糊

何洛圖

關中人分
守濟南道登眺

泰嶽二十韻

有嶽雄東土天孫捧碧川守方青帝闕分野木

攄天狄矣威靈赫遐哉秩望虔百王開寶錄一聖

演瑤編綺綵丹青列文憲俎豆聯風雲蒸大壑日

月俯層巔鸞舉天門闢鰲呿地軸旋巖巖巒大夫松

嶺峙丈人翻石劈仙家劍蘿飛玉女泉登封霞色

麗異代文光鮮葛藟搖金壁芝苓冒紫烟石膏滲
復結種乳滴獨懸西望長安近南看吳越偏空追
匹練馬緬憶祖龍年下土誰能併瀾光秘妙筌豈
惟棲鳳侶亦以觀鴻賢哲士倚筇處磨崖紀石蓮
褰帷瞻窈窕柱笏悵攀緣陰井邀雷馭陽崖起電
鞭聊遊凌絕頂平步已登仙

戴京曾

提督學道食
事餘姚人

登山詩二首

其一

嶽色崢嶸集寶符靈文今古啓函無雙凡影疾千

巖老九點烟微二氣孤駭見鷹愁頻歇馬常曰蔡
望共觀吳登封代有凌雲筆掃石從容待大夫

其二

相傳御蹕展雲屏盛擁霓旌會百靈嘆息碑留原
不字婆娑松在未湏青盆傾玉女天河瀉橋望仙
人彩仗冥鎔鐵願為飛鳥道躡空聲借下風聽

傳應星

登封人行道
臣事運使

岱嶽詩二章

其一

綏頌聞笙願已恢商歌浩浩漫相催但言有岱堪

為礪豈意銘山尚少才識字蛟虬疑渾沌驚風羽
羽其亂徘徊經營不了鹽官事海窟霞明一上臺

其二

五夜扶桑倒日車等閒攬盡一天餘周圍至此雖
流火秦碣於今尚禁書鶴駕千年人自古松濤百
尺氣仍踈眺登若欲尋封禪回視茂陵又不如

盧紘

進士蘄州人

岱遊詩四首

其一

金函秘籙啓東皇灝莽平收萬里蒼練眺吳門浮

曳馬九拋海嶠掛扶桑雲膚寸台崇朝雨石骨寒
生六月霜到此方知天宇濶楚人不復說衡陽

其二

石磴盤旋萬壑深松聲泉響逼人襟巖撐天際空
懸壁雲湧林端日綴陰漢禪離宮逮莽道秦封孤
碣老山岑望中滄海真如粟歷指登臨槩古今

其三

入魯纔瞻第一峯域中遙會禹山從杯涵海日迎
朝氣帶引河流控遠宗燭火荒燎星欲滅浮雲虛

過谷還容應知壁壞藏經出固勝金泥絕頂封

其四

攢巖矗入碧虛寒四面青迴鬱作盤知得峯頭天
已近看來眼底界非寬樓臺幻影都成蜃輶馭靈
池不借鸞俗骨從今疑脫盡擬歸學製竹皮冠

薛所蘊弘文院學士

問岱嶽索坦公詩

岱宗五嶽獨稱尊使者支笻幾度捫定見曦輪升
海窟有無疋練在吳門秦松班爵應如故梁父云
亭可尚存共道詩才小天下人泥玉檢事堪論

朱裴

按院開
喜人

庚子七月之望按部至泰安同麓院陳

泚水離院馮炳文道長登泰山絕頂俚言即事登
泰快何處我來仔細分疑睥觀海日反掌拂青雲
石髓流霞岫天花落鴈群封禪皆往事無字是秦
文

馮斑

鹽院金
壇人

泰嶽二首攀蘿直上最高峰百轉丹梯

煙靄重捫石尚憐婺婦泣撫松空惜大夫封雲生
碧峪凝秋雨日擁扶桑動曉鐘便歆凌風向天闕
白雲黃雀一相從○岱宗峴倚蒼穹漢時秦封

在眼中南望吳閭飛白馬東臨海嶠走蒼龍路分
晴雨諸峰變天入鴻濛一線通

聖世不須封禪草微臣祇有祝年豐

吳南岱

知府武進人

飛來石

曾在生公舊講臺何年渡海

却飛來騎鯨有日終飛去化作星辰上九垓

五

大夫松癯功曾不沒微勞五樹何嘗爵賞叨不見
後來辭祿者青松爭似赤松高

獨立大夫傲節

何須枝葉扶亭亭百尺類吾徒孤巖剩有嘉名在
絕勝同時五大夫

無字碑

惟得當年厭腐儒

牛充棟不勝書祖龍也是奇男子識得庖犧未畫
初○駕海驅山事業新銘功何故讓他人漢家自
有圖麟閣料得豐碑不借秦○泰嶽天孫天下奇
行人到此謾留題何如白帝無文字也捱千年第
一碑○要識西來面壁圖始皇曾未脫凡夫碑名
無字非無字悟到先天無字無

石經峪峰頭佳

氣曉氤氲兩腋風生袖染雲為問石經猶有峪可

憐秦碣更無文

夫人峰

夫人嶽立拱天門似領

仙班謁至尊為憶當年杜老句諸峰羅列似兒孫

日觀金雞初唱望朝暎萬丈紅雲出海門不是
近天身尺五扶桑那得見重輪 仙人橋誰將斂

石綴虛空石斷雲連路不窮笑我一身輕似羽好
風扶送過橋東 磨崖碑似去青雲咫尺多舉頭
惟見白雲過大唐臘有摩崖頌功德元來不可摩

孔子小天下處吳閭匹練影蕭騷九點神州四
望豪到此真令天下小仰觀還有碧雲高 三天

門如聞天語下層臺百折丹梯一綫明為憶夢遊
曾到此此身幾度上蓬萊 御帳坪傳騎千官來

道迎六龍曾此駐霓旌祇今惟有宋時月還照當時御帳坪

李斯篆蒼苔翠蘚總離奇暗壁猶存

李氏碑高勒貞珉無半字區區小篆歎何為
身崖此身原自屬君親何事愚夫說捨身夜半崖
前聞鬼哭作俑當日定何人
呂公洞仙人曾此
兩留題惟有蛟虬識我師愧我塵勞初到客高山
流水似相知

張冲翼

鹽院富平人

登岱二首 萬仞嶙峋六月寒望中

霞氣渺無端仰觀漸覺星辰近俯視方知宇宙寬

王檢金函成往迹危松怪石供盤桓世情業已同
萍梗莫使雙峰冷眼看○瞻邨已從誦法日於今
登眺快平生鶴凌萬壑空中舞人在五雲深處行
齊魯平分霞未了天人相與意難名秦封漢時知
何處獨有高山流水聲